

prigovor Općinskoj načelnici, u roku od 5 (pet) dana od dana prijema.

IV - OBAVEZE KORISNIKA SREDSTAVA

Član 10.

(Pravdanje finansijskih sredstava)

- (1) Sa korisnicima sredstava kojima su dodijeljena sredstva iz člana 3. stav (1) tačka a) i b) sklopit će se ugovor o namjenskom utrošku sredstava i isti su dužni najkasnije do 15.01. naredne godine, dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Prihvataju se samo oni troškovi koji su nastali nakon potpisivanja ugovora.
- (2) Korisnik sredstava je u obavezi vratiti primljeni iznos na ime finansijske podrške iz člana 3. stav (1) tačka a) i b) najkasnije u roku od 30 dana od dana saznanja razloga za nerealizaciju navedene aktivnosti.
- (3) Korisnici sredstava koji ne opravdaju dodijeljena sredstva nemaju pravo ponovnog apliciranja na javni poziv.
- (4) Sredstva iz člana 3. stav (1) tačka c) ovog Pravilnika dodjeljuju se korisnicima sredstva putem zaključka općinske načelnice i isti nemaju obavezu finansijskog pravljanja sredstava.

IV - PRELAZNE I ZAVRŠNE ODREDBE

Član 11.

(Stupanje na snagu)

- (1) Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".
- (2) Stupanjem na snagu ovog Pravilnika, prestaje da važi Pravilnik o dodjeli sredstava za nabavku opreme i podršku sportskim kandidatima u odlasku na kvalifikacije na evropska i svjetska takmičenja i Olimpijske igre ("Službene novine Kantona Sarajevo", broj 23/21).

Broj 16-11-3-1538/25

14. februara 2025. godine
Sarajevo

Općinska načelnica
Prof. dr. **Benjamina Karić**, s. r.

Na osnovu Budžeta Općine Novo Sarajevo za 2025. godinu ("Službene novine Kantona Sarajevo", broj 6/25) i člana 16., stav (2), alineja e) Odluke o izvršavanju Budžeta Općine Novo Sarajevo za 2025. godinu ("Službene novine Kantona Sarajevo", broj 6/25), općinska načelnica donosi

PRAVILNIK ZA JEDNOKRATNU POMOĆ SVIM PORODILJAMA

Član 1.

(Predmet)

Ovim Pravilnikom utvrđuju se uslovi, visina pomoći i način ostvarivanja prava na jednokratnu pomoć svim porodiljama po rođenju prvog i drugog djeteta, koju dodjeljuje Općina Novo Sarajevo, načelnica Općine.

Član 2.

(Pravo na jednokratnu pomoć i iznos pomoći)

- (1) Pravo na jednokratnu novčanu pomoć mogu ostvariti porodilje po rođenju prvog i drugog djeteta, bez podnošenja zahtjeva, a po ostvarivanju prava na porodiljsku naknadu putem nadležne Službe, za djecu koja su rođena od 01.01.2025. godine.
- (2) Porodilje po rođenju blizanaca, trećeg i svakog narednog djeteta ostvaruju pravo na jednokratnu novčanu pomoć, prema posebnoj Odluci.
- (3) Isplata će se izvršiti jednokratno na tekući račun porodilja u iznosu od 200,00 KM.

Član 3.

(Finansijska sredstva)

Sredstva za dodjelu jednokratne pomoći predviđena su Budžetom Općine Novo Sarajevo za 2025. godinu ("Službene novine Kantona Sarajevo", broj 6/25), utvrđena Programom socijalne potpore na ekonomskom kodu 614200 - Transfer za jednokratnu pomoć svim porodiljama.

Član 4.

(Način realizacije)

- (1) Sredstva će se realizovati Zaključkom općinske načelnice u skladu sa kriterijima utvrđenim članom 2. ovog Pravilnika.
- (2) Služba za socijalna pitanja, zdravstvo, izbjeglice i raseljena lica, dostavit će Službi za privredu, budžet i finansije, Zaključak sa spiskom korisnika prava koji će sadržavati sljedeće podatke:
 - ime i prezime korisnice, adresu, broj tekućeg računa iste, iznos za uplatu, te Rješenje o ostvarenom pravu na porodiljsku naknadu.

Član 5.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenim novinama Kantona Sarajevo".

Pravilnik će se objaviti na oglasnoj ploči i službenoj web stranici Općine Novo Sarajevo.

Broj 15-31-1-1662/25
27. februara 2025. godine
Sarajevo

Općinska načelnica
Prof. dr. **Benjamina Karić**, s. r.

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 50. stav (1) tačka e) i člana 146. stav (1) i stav (2) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka) i člana 4. Odluke o određivanju iznosa sredstava u Budžetu Općine Novo Sarajevo za oblast sporta i za oblast kulturno-sportskih manifestacija ("Službene novine Kantona Sarajevo", broj 46/22), općinska načelnica donosi

PRAVILNIK

O USLOVIMA, KRITERIJIMA I NAČINU DODJELE SREDSTAVA ZA FINANSIRANJE/SUFINANSIRANJE PROJEKATA, MANIFESTACIJA I PROGRAMA UDRUŽENJA, USTANOVA I POJEDINACA

I - OPĆE ODREDBE

Član 1.

(Predmet Pravilnika)

Ovim Pravilnikom utvrđuju se uslovi, kriterij i način dodjele sredstava za finansiranje ili sufinansiranje projekata, manifestacija i programa koje provode udruženja, ustanove ili pojedinci u oblasti kulture, sporta, obrazovanja i drugih društvenih oblasti, a koji su od značaja za građane i građanke sa područja općine Novo Sarajevo.

Član 2.

(Finansijska sredstva)

Sredstva za podršku projektima, manifestacijama i programima udruženja, javnih ustanova i pojedinaca, obezbjeđuju se u Budžetu Općine Novo Sarajevo, u skladu sa finansijskim mogućnostima Općine.

Član 3.

(Korisnici sredstava)

Pravo na dodjelu sredstava imaju udruženja, ustanove i pojedinci (u daljem tekstu: korisnici sredstava) koji su registrovani, odnosno imaju prebivalište na području Kantona Sarajevo i svoje programske aktivnosti ostvaruju na području općine Novo Sarajevo, Kantona Sarajevo ili Bosne i Hercegovine.

Član 4.

(Vrste troškova koji se finansiraju/sufinansiraju)

- (1) Sredstva se mogu dodijeliti u sljedeće svrhe:
 - a) troškovi organizacije obrazovnih, kulturnih, sportskih, edukativnih, zabavnih, vjerskih i drugih svečanosti/manifestacija na području općine i Kantona Sarajevo i učesća na istim u Bosni i Hercegovini i inostranstvu,
 - b) troškovi nabavke potrebnog materijala za održavanje manifestacija iz tačke a) ovog člana,
 - c) troškovi sportskih klubova:
 - troškovi članarine i kotizacije za takmičenje,
 - troškovi za angažman službenih lica na utakmicama i drugim sportskim takmičenjima,
 - troškovi prevoza, smještaja i ishrane na gostujućim utakmicama i drugim sportskim takmičenjima,
 - troškovi zakupa stadiona, fiskulturnih sala i sportskih dvorana za treninge i utakmice,
 - d) troškovi prevoza, smještaja i ishrane učesnika obrazovnih, kulturnih, sportskih, edukativnih, zabavnih, vjerskih i drugih svečanosti/manifestacija,
 - e) troškovi nabavke narodnih nošnji i kostima za pozorišne predstave,
 - f) troškovi za humanitarne aktivnosti korisnika sredstava i dodjelu pomoći za osobe u stanju socijalne potrebe,
 - g) troškovi organizacije takmičenja učenika osnovnih i srednjih škola,
 - h) troškovi naučno-istraživačkih projekata,
 - i) troškovi štampanja i izdavanja enciklopedija, rječnika, knjiga, monografija, publikacija i slično,
 - j) ostale aktivnosti i projekti iz oblasti kulture, sporta i obrazovanja koje Komisija za odabir korisnika sredstava ocjeni značajnim za stanovnike općine Novo Sarajevo.

Član 5.

(Iznos sredstava)

- (1) Za projekte, programe i manifestacije udruženja i ustanova, iznos sredstava koji se može dodijeliti je do 3.000,00 KM.
- (2) Izuzetno od stava (1) ovog člana, može se dodijeliti iznos veći od 3.000,00 KM, ali ne veći od 10.000,00 KM, ukoliko Komisija za odabir korisnika sredstava ocijeni da je svrha iz člana 4. stav (1) ovog Pravilnika, od naročitog značaja ili interesa za područje i stanovnike općine Novo Sarajevo, Kantona Sarajevo, Federacije Bosne i Hercegovine i države Bosne i Hercegovine.
- (3) Za projekte i manifestacije pojedinaca iznos sredstava koji se može dodijeliti je do 1.000,00 KM.
- (4) Izuzetno od stava (3) ovog člana, pojedincu se može dodijeliti iznos veći od 1.000,00 KM, ali ne veći od 3.000,00 KM, ukoliko Komisija ocijeni da je svrha iz člana 4. stav (1) ovog Pravilnika, od naročitog značaja ili interesa za područje i stanovnike Općine Novo Sarajevo, Kantona Sarajevo, Federacije Bosne i Hercegovine i države Bosne i Hercegovine.

II - KRITERIJI ZA DODJELU SREDSTAVA

Član 6.

(Opći i posebni kriteriji za dodjelu sredstava)

- (1) Opći kriteriji za dodjelu sredstava:
 - a) da su korisnici sredstava registrovani na području Kantona Sarajevo, odnosno da imaju prebivalište na području Kantona Sarajevo i da svoje programske aktivnosti ostvaruju na području općine Novo Sarajevo, Kantona Sarajevo ili Bosne i Hercegovine,
 - b) da je podneseni prijedlog programa/projekta/manifestacije u skladu sa svrhom iz člana 4. ovog

Pravilnika i da sadrži detaljnu specifikaciju troškova programa/projekta/manifestacije, sa informacijama o ukupnom iznosu finansijskih sredstava i iznosu sredstava koji se traži od Općine,

- c) da korisnici sredstava uredno ispunjavaju obaveze iz svih prethodno sklopljenih ugovora o finansiranju iz Budžeta Općine,
 - d) da korisnici sredstava uredno ispunjavaju obaveze plaćanja poreza i doprinosa (odnosi se samo na prijave udruženja i ustanova).
- (2) Posebni kriteriji za dodjelu sredstava su:
 - a) da projekat/programska aktivnost i manifestacija korisnika sredstava obuhvata i građane sa područja općine Novo Sarajevo,
 - b) kvalitet i značaj prijave za područje općine Novo Sarajevo, Kanton Sarajevo, Federaciju Bosne i Hercegovine i državu Bosnu i Hercegovinu,
 - c) pravo na dodjelu sredstava korisnik sredstava može ostvariti samo jednom u toku budžetske godine za isti projekat/program/manifestaciju.

III - POSTUPAK DODJELE SREDSTAVA

Član 7.

(Javni poziv)

- (1) Postupak dodjele sredstava provodi se putem javnog poziva, koji raspisuje Općinska načelnica, a koji se objavljuje na službenoj web stranici Općine Novo Sarajevo i ostaje otvoren do utroška sredstava, a najduže do 15.12. tekuće godine.
- (2) Javni poziv obavezno sadrži:
 - a) predmet,
 - b) maksimalnu visinu sredstva koju jedan korisnik može ostvariti,
 - c) potrebna dokumentacija,
 - d) način prijave na javni poziv,
 - e) način odabira korisnika,
 - f) obavještanje prijavljenih korisnika.

Član 8.

(Način prijave i neophodna dokumentacija)

- (1) Prijava na javni poziv obavezno se podnosi u pisanoj formi, putem protokola Općine Novo Sarajevo i sadrži:
 - a) projektni prijedlog u skladu sa članom 4. ovog Pravilnika – ovjeren i potpisan od strane ovlaštenog lica, sa tačnom specifikacijom troškova čije se finansiranje/sufinansiranje traži,
 - b) potvrdu o prebivalištu na području Kantona Sarajevo (samo za pojedince),
 - c) aktuelni izvod iz registra nadležnog organa u kojem je registriran podnosilac prijave ne stariji od 6 mjeseci (samo za udruženja i ustanove),
 - d) uvjerenje o poreznoj registraciji koje sadrži ID broj (samo za udruženja i ustanove),
 - e) uvjerenje porezne uprave o izmirenim poreskim obavezama (samo za udruženja i ustanove) ili Sporazum o odgođenom plaćanju ili plaćanju u ratama dužnih javnih prihoda, ne starije odnosno ne stariji od tri mjeseca od dana objave javnog poziva,
 - f) potvrda poslovne banke da račun nije blokiran iz koje se vidi broj transakcijskog računa - ne starija od tri mjeseca od dana objave javnog poziva (samo za udruženja i ustanove),
 - g) saglasnost odgovornog lica ustanove u kojoj se realizuje projekat/program/manifestacija.
- (2) Ispunjavanje uslova iz člana 6. stav (1) tačka c) i stav (2) tačka c) provjerit će se službenim putem.

- (3) Ukoliko se traži sufinansiranje projekta ili manifestacije maloljetnog pojedinca, prijavu na javni poziv podnosi njegov roditelj/staratelj.
- (4) Dokumentacija se podnosi u originalu ili ovjerenj kopiji na starijoj od 6 mjeseci.

Član 9.

(Komisija za odabir korisnika sredstava)

- (1) Komisiju za odabir korisnika imenuje općinski načelnica (u daljem tekstu Komisija).
- (2) Komisija se sastoji od tri člana i jednog zamjenskog člana, koji su uposlenici Općine Novo Sarajevo.
- (3) Služba za obrazovanje, kulturu i sport, pruža svu neophodnu administrativno tehničku podršku radu Komisije.
- (4) Komisija je zadužena da zaprimi i pregleda sve prijave, utvrdi ispunjenost propisanih uslova i predloži iznose sredstava koji se dodjeljuju korisnicima koji su ispunili sve uslove.
- (5) Komisija prijave razmatra po redoslijedu prijema.
- (6) Prijave kandidata koje ne ispunjavaju sve formalne uslove iz javnog poziva ili koje se ne odnose na aktivnosti koje će biti finansirane neće biti uzete u razmatranje.
- (7) Komisija obavještava kandidate o razlozima nerazmatranje njihove prijave. Na ovu obavijest Komisije moguće je uložiti prigovor općinskoj načelnici u roku od 5 (pet) dana od dana prijema obavijesti.
- (8) Prijedlog za finansiranje koji je utvrdila Komisija, Komisija dostavlja korisniku sredstava, uz mogućnost ulaganja prigovora općinskoj načelnici, u roku od 5 (pet) dana, od dana zaprimanja obavijesti.
- (9) Po konačnosti prijedloga za finansiranje općinska načelnica donosi zaključak o odobravanju isplate sredstava.

IV - OBAVEZE KORISNIKA SREDSTAVA

Član 10.

(Pravdanje finansijskih sredstava)

- (1) Sa korisnicima sredstava kojima su dodijeljena sredstva sklopit će se ugovor o namjenskom utrošku sredstava i isti su dužni najkasnije do 15.01. naredne godine, dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Prihvataju se samo oni troškovi projekta/programa i manifestacije koji su nastali nakon potpisivanja ugovora.
- (2) Korisnik sredstava je u obavezi vratiti primljeni iznos u roku od 30 dana od dana saznanja razloga za nerealizaciju navedene aktivnosti.
- (3) Korisnik sredstava koji ne opravda dodijeljena sredstva, obavezan je ista vratiti i nema pravo ponovnog apliciranja za dodjelu budžetskih sredstava naredne godine.

V - PRIJELAZNE I ZAVRŠNE ODREDBE

Član 11.

(Stupanje na snagu)

- (1) Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".
- (2) Stupanjem na snagu ovog Pravilnika prestaje da važi Pravilnik o kriterijima i načinu odobravanja sredstava planiranih na budžetskoj poziciji "Podrška projektima, manifestacijama i programima po zahtjevima" ("Službene novine Kantona Sarajevo", broj 4/22).

Broj 16-11-3-1530/25
14. februara 2025. godine
Sarajevo

Općinska načelnica
Prof. dr. **Benjamina Karić**, s. r.

stav (1) tačka 5. i člana 146. stav (2) Statuta Općine Novo Sarajevo - Prečišćeni tekst ("Službene novine Kantona Sarajevo", broj 5/20 i 20/20 - Ispravka), člana 16. stav (2) tačka r) Odluke o izvršavanju Budžeta Općine Novo za 2025. godinu ("Službene novine Kantona Sarajevo", broj 6/25), općinska načelnica donosi

PRAVILNIK

O USLOVIMA I NAČINU DODJELE SREDSTAVA SA POZICIJE NAGRAĐIVANJE DOBITNIKA NAJVEĆIH PRIZNANJA "ZLATNA I SREBRENA ZNAČKA"

Član 1.

(Predmet Pravilnika)

Ovim Pravilnikom utvrđuju se uslovi i način za dodjelu sredstava planiranih u Budžetu Općine Novo Sarajevo za nagrađivanje dobitnika najvećih priznanja "Zlatna i Srebrna značka".

Član 2.

(Način finansiranja)

Sredstva za finansiranje nagrađivanja studenata dobitnika najvećih priznanja, osiguravaju se u Budžetu Općine Novo Sarajevo (u daljnjem tekstu: Budžet), u skladu sa finansijskim mogućnostima.

Član 3.

(Korisnici sredstava)

Pravo na dodjelu sredstava iz Budžeta, imaju studenti Univerziteta u Sarajevu, koji imaju prebivalište na području općine Novo Sarajevo, a koji su proglašeni kao dobitnici najvećih priznanja Zlatne i Srebrene značke od strane Univerziteta u Sarajevu u prethodnoj akademskoj godini.

Član 4.

(Uslovi za ostvarivanje prava)

Da bi dobitnici korisnici sredstava ostvarili pravo na nagrađivanje, neophodno je da ispune sljedeće uslove:

- a) Da imaju prebivalište na području Općine,
- b) Da nemaju više od 30 (trideset) godina starosti na dan dobijanja nagrade,
- c) Da su od strane Univerziteta u Sarajevu proglašeni kao dobitnici najvećeg priznanja Zlatna ili Srebrna značka u prethodnoj akademskoj godini.

Član 5.

(Visina sredstava)

Korisnici sredstava mogu samo jednom tokom studiranja prvog ciklusa i jednom tokom studiranja drugog ciklusa, ostvariti pravo na nagradu od strane Općine i to u sljedećim iznosima:

- a) za priznanje "Zlatna značka", iznos novčane nagrade od 900,00 KM;
- b) za priznanje "Srebrna značka", iznos novčane nagrade od 700,00 KM.

Član 6.

(Javni poziv)

- (1) Postupak dodjele sredstava provodi se putem javnog poziva, koji raspisuje Općinska načelnica, a koji se objavljuje na službenoj web stranici Općine Novo Sarajevo i ostaje otvoren 30 dana od dana objave.
- (2) Javni poziv obavezno sadrži:
 - a) predmet;
 - b) maksimalnu visinu sredstva koju jedan korisnik može ostvariti;
 - c) potrebna dokumentacija;
 - d) način prijave na javni poziv;
 - e) način odabira korisnika;
 - f) obavještavanje prijavljenih korisnika.

Član 7.

(Način podnošenja prijave i neophodna dokumentacija)

- (1) Prijava na javni poziv obavezno se podnosi u pisanoj formi i sadrži:

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 50.